



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



1876.

27235,48



BOUGHT WITH
THE INCOME FROM
THE BEQUEST OF
CHARLES MINOT,
OF SOMERVILLE,
(Class of 1828,)

DEC 24 1880

narodna *Songs*
NARODNE PJESME

te rodu i svijetu predao

sada učitelj prirodopisa na gimn. varaždinskom.

svezka III.

U Varaždinu. *Varaždin*

Brzotiskom Platzera i sina. — 1876.

27235, 48

DEC 24 1880

Minot Lund.

NARODNOJ PJESMI.

Motto.

U pjesmi našoj sunca zrake sjaju,
Tu zvijezde tiho, milo trepetaju,
Tu vihra huk, zuj lahora se čuje,
I srebpnjene rieke u njoj struje,
U njoj je cvieća miris, trepet rose,
I dugin pojas u nju prelio se,
I grom sa triesom u njoj tiho sniva,
Djetinji san se s angjelom cjeliva,
I djevice se osmjeh u njoj sije.
U njojzi cjelov ljubavni se smije,
I suza grobni vienac u njoj sjaji.
Junaka naših zadnji uzdisaji,
I zadnje iskre mačeva im svetih,
Sva prošlost naša u pjesmi nam svieti,
I sva budućnost iz nje se osmieva —
Sva ljepost u nju svoje trake slieva!

Fran Marković: Kohan i Vlasta.

Pripomenak:

„Komu ih štampam ove pjesme? Jeda li našim slado-
kusnikom u volju? — — — — — učenomu
čovjeku veća je briga izeti iz njih, što se još iztegnuti
može za jezik, pověst i običaj, nego se jedinice njimi
nasladjivat: er mu je dobitak za nauk nasladom!“

Fran Kurelac. Jačke.

1.

Golub guče po zelenom logu.

Golub guče po zelenom logu:
Pil bi vode, daleko je v jarku!
Idi otec, donesi mi vode.
Išiel otec, ně donesel vode.

Golub guče po zelenom logu:
Pil bi vode, daleko je v jarku!
Idi majka, donesi mi vode.
Išla majka, ně donesla vode.

Golub guče po zelenom logu:
Pil bi vode, daleko je v jarku!
Idi bratec, donesi mi vode.
Išiel bratec, ně donesel vode.

Golub guče po zelenom logu:
Pil bi vode, daleko je v jarku!
Idi sestra, donesi mi vode.
Išla sestra, nē donesla vode.

Golub guče po zelenom logu:
Pil bi vode, daleko je v jarku!
Idi luba, donesi mi vode.
Išla luba, je donesla vode.
Bolša luba nego otec, majka;
Bolša luba nego bratec, sestra!

NB. Ota pjesma pjeva se na sljedeći način:

Golub guče, golub guče po zelenom logu,
Golub guče po zelenom logu:

Pil bi vode, pil bi vode, daleko je v jarku!
Pil bi vode, daleko je v jarku!

Idi otec, idi otec, donesi mi vode.
Idi otec, donesi mi vode.

Išel otec, išel otec, nē donesel vode.
Išel otec, nē donesel vode.

I t. d.

2.

Kos i lovei.

Fučkaj mi, fučkaj črni kos
Tu vu zelenom bukovju!
Mimo je spala stezica,
Po nji se šeču jagri tri,
Počmu mi kosa cilati.
Kosek se počme moliti:
Najte me najte strělati,
Ja vam pokažem grade tri,
Vsakem su gradu lubce tri,
Vsaka vam ima sinke tri:
Oni vam znaju pisati
Ze črnóm těntom, běl papěr;
Oni vam znaju lubiti
Ze vsom dušicom, srčekom.

3.

Ljuba velika griešnica.

Vozila se šajka děvojačka,
I vu šajki moja mila draga.

Moju dragu zabolěla glava
Od groznice, jod boli velike:
Traži patra, dá ju izpověda;
Kapelana, da ju izpričešča,
I pisara, da ji grěhe spiše:
Da je papěr osěčka livada,
Da je těnta varaždinska Drava,
Da je pero detelina trava:
On nemore grěhe izpisati.

4.

Volim s dragom neg s nedragom.

Dragu prosim, nedragu mi daju:
Volim s dragom po gori šetati,
Neg z nedragom po běli palači;
Volim s dragom živec kamen trěti,
Neg z nedragom cvancige brojiti;
Volim s dragom na kamencu spati,
Neg z nedragom na mehkoj blazini!

5.

Kletva.

„Oj dĕvojka! tako ti lubavi!
Jel ti Źao Źto te ja ostavljam?“
„Źao mi je i srce me boli.
ZnaŹ nevera, kako si se klela,
Da me nikad ostaviti neĉeŹ;
Sad ostavlaŹ, pa si drugu jemaŹ.
Da zna vrana, dĕ je luta rana,
Nebi vrana kraj sokola stala,
Ni dĕvojka kraj tudjega momka:
Idi dragi k tri hiljadi vrage,
K meni ĉe pa moj sudjeni dojt!“

6.

Gizdava dĕvojka i junak.

Źetala se dĕvojka
Po visokom gradu.
Dĕvojka se Źetala,
Zlate lasi ĉesala.

Mimo jaše mlad junak
Na visokom konju,
Obrne se k děvojki,
Pak ji pregovori:
„Aj děvojka, děvojka
Zemi me za slugu!“
„Za slugu bi te vzela,
Sluge mi netreba.“
„Aj děvojka, děvojka
Zemi me za sužna!“
„Za sužna bi te vzela,
Nikaj mi kriv něsi.“
„Aj děvojka, děvojka
Zemi me za dragog!“
„Za dragog bi te vzela,
Nikaj mi lěp něsi:
Čižme bi ti kupila,
Burlave ti noge;
Hlače bi ti kupila,
Šepava kolena;
Lajbec bi ti kupila,
Puklava ti pleča;
Škrlak bi ti kupila,
Grintava ti glava;

Robec bi ti kupila,
Cundravi ti žepi;
Prsten bi ti kupila,
Srablivi ti prsti;
Věnec bi ti izvila,
Vidim da si svinja.“
„Aj dēvojka, dēvojka
Nedēlaj se norca
Siromaka junaka,
Tužnoga vojaka:
Ar junak se joženi,
Da je njega vola;
A dēvojka zamoži,
Da ju junak prosi!“

7.

**Djevojka u bašći
uzdiše za svojim ljubovnikom.**

Mal mi je vrtek ograjen,
Pun mi je rožic nasajen;
Po njem se šeče dēvojka,

Za njom se rože gibleju:
„Kaj se vi rože giblete?
Němam vas komu trgati!
Otec i mati prestari,
Bratec i sestra premladi,
A moj je dragi predalko:
Prěk jene gore visoke!
Vu noj mi gori zlati stol,
Za njim mi sedi dragi moj,
Za vratom ima rubček moj
Ah on je itak dragi moj!“

8.

**Bolji dragi neg otac i majka,
Bolji dragi neg bratac i sestra.**

Stala sem se rano, ranjeno,
Išla jesem širom po polu,
Našla jesem zlatu jabuku.
Mama oču da ji nadělim,
Mama oču više sebi neg meni.

Stala sem se rano, ranjeno,
Išla jesem širom po polu,
Našla jesem zlatu jabuku.
Oček oču da ji nadělim,
Oček oču više sebi neg meni.

Stala sem se rano, ranjeno,
Išla jesem širom po polu,
Našla jesem zlatu jabuku.
Sestra oče da ju nadělim,
Sestra oče više sebi neg meni.

Stala sem se rano, ranjeno,
Išla jesem širom po polu,
Našla jesem zlatu jabuku.
Bratec oče da ga nadělim,
Bratec oče više sebi neg meni.

Stala sem se rano, ranjeno,
Išla jesem širom po polu,
Našla jesem zlatu jabuku.
Dragi oče, da ga nadělim,
Dragi oče više meni neg sebi.
Bolši dragi nego otec, majka,
Bolši dragi nego bratec, sestra!

9.

**Bolja ljuba neg otac i majka,
bolja ljuba neg bratac i sestra.**

Pasel jesem širom po polu,
Našel jesem zlatu jabuku,
Dal ju jesem ocu děliti.
Neče jotec pravo děliti,
Sebi oče više neg meni.

Pasel jesem širom po polu,
Našel jesem zlatu jabuku,
Dal ju jesem majki děliti.
Neče majka pravo děliti,
Sebi oče više neg meni.

Pasel jesem širom po polu,
Našel jesem zlatu jabuku,
Dal ju jesem braču děliti.
Neče bratec pravo děliti,
Sebi oče više neg meni.

Pasel jesem širom po polu,
Našel jesem zlatu jabuku,

Dal ju jesem sestri děliti.
Neče sestra pravo děliti,
Sebi oče više neg meni.

Pasel jesem širom po polu,
Našel jesem zlatú jabuku,
Dal ju jesem lubi děliti.
Oče luba pravo děliti,
Meni štěla više neg sebi,

Bolša luba nego otec, majka,
Bolša luba nego bratec, sestra!

10.

Nevjerna supruga.

Hodi Ivo k meni, hodi na večerju.
Nejdem, nejdem Jana, ar je Vajda doma.
Hodi Ivo, hodi, ně ga Vajde doma,
Odišel je z doma vu zelene loge,
Dala sem mu' stroške na dva i tri daně.
Bog daj da odišel, nigdar nazaj došel!
Hodi Ivo k meni, hodi na večerju.

Idem, idem Jana, ar ně Vajda doma.
Prva puška pokne vu zelenim logu.
Bejži Ivo, bejži, ide Vajda dimo!
Nebum bejžal Jana, sama si me zvala.
Ja bom tebe lubil, makar glavu zgubil.
Druga puška pokne na kovanim mostu.
Bejži Ivo, bejži, ide Vajda dimo.
Nebum bejžal Jana, sama si me zvala.
Ja bom tebe lubil, makar glavu zgubil.
Trejta puška pokne pri vulični vrati.
Bejži Ivo, bejži, ide Vajda dimo.
Nebum bejžal Jana, sama si me zvala,
Ja bom tebe lubil, makar glavu zgubil.
Oj dušica Janica jotvaraj mi vrata!
Nemrem ti jodprěti, sineka povijam.
Oj dušica Janica, jotvaraj mi vrata!
Nemrem ti jodprěti, sineka radajam.
Oj dušica Janica, jotvaraj mi vrata!
Nemrem ti jodprěti, sineka spat spravlam.
Oj dušica Janica, kaj ti se tam smuče?
Nika Vajda, nika, mačka miša buče.

Bolji dragi nego svi ostali.

Ptice su se spominjale:
Kam pak bumo mi letele?
Mi pak bumo v črnu goru,
V črni gori jognjec gori,
Kre jognjeca kolo pleše,
Vu tem koli dēvojčica,
Lēpi vēnček ji na glavi.
Spuhnul vetrek, jodnesel ga.
Idi jotec, donesi ga.
Išel jotec, nē ga našel,
Nē ga našel, ni donesel;
Idi majka, donesi ga.
Išla majka, nē ga našla,
Nē ga našla, ni donesla;
Idi bratec donesi ga.
Išel bratec, nē ga našel,
Nē ga našel, ni donesel;
Idi sestra, donesi ga:
Išla sestra, nē ga našla,
Nē ga našla, ni donesla;

Idi lubi donesi ga:
Išel lubi, je ga našel,
Je ga našel i donesel.

12.

**Djevojku boli glava za
mladim junakom.**

Stara je majka justala,
Běle je dvore pomela,
Ladne je vode donela,
Črne je kave skuhala,
Svoju je čerku budila:
Justaj mi, justaj čerkica!
Nemorem, majka! justati.
Jeli te boli glavica
Za jonim mladim junakom,
Koji nam zutra jodlazi?
Boli me, majka! glavica
Za jonim mladim junakom,
Koji nam zutra jodlazi!

Suprug i supruga.

Možek išel na oranje,
Ženka v krčmieu;
Možek došel iz oranja,
Ženka s krčmice;
Možek išel vu dvorišče,
Ženka vu ganjčec;
Ženka išla vu hižicu,
Možek vu ganjčec;
Ženka išla vu postelku,
Možek v hižicu:
Draga ženka, lépa ženka,
Kaj tebi fali?
Dragi moj mož, lépi moj mož.
Glava me boli.
Draga ženka, lépa ženka,
Bi li jěla kaj?
Dragi moj mož, lépi moj mož,
Da bi bilo kaj!
Spekel ji je gibanicu
S pednja visoku,

Zaklal ji je ono pišče,

Nigdar spevalo,

Donesel ji štucu vina

Jako sladkoga.

Pojěla je gibanicu

Se do drobtice,

Pojěla je ono pišče

Se do koščičke,

Popila je ono vino

Se do kaplice.

Draga ženka, lěpa ženka

Dobro ti se jě.

Dragi moj mož, lěpi moj mož

Nespočitaj mi.

Draga ženka, lěpa ženka

Ja bi nekaj jel:

Dragi moj mož, lěpi moj mož

Tam ti sirotka.

14.

Trebljička „lahku noč.“

Mamica lehku noč,
Od boga pomoč.
Od majke Marije
Prelěpu lehku noč!
Od majke Marije
Prelěpu lehku noč!

Marija gre v nebesa,
Nas vodi za sobom;
Veselo nam je iti
Marija za tobom!
Veselo nam je iti
Marija za tobom!

Japica lehku noč i t. d.
Marica lehku noč i t. d.

Pripjevaju se redom svi ukućani, ro-
djaci i znanci, a napokon jošte zapjevaju:

Trebliči lehku noč,
i t. d.

Žedna djevojka.

Tri su ptice goru preletele,
Vu toj gori drēvca ni kamenca,
Samo jedan javorek zeleni.
Pod njim sedi dēvojčica mlada,
Svilu prede na zlato vretence.
E joj mi je žedja dodihala,
Išla ona hladne vode iskat,
Našla ona zdenca jograjenca.
Klekne ona, da će vodu piti,
Krikne vikne junak iz planine:
Nepij vode Rožica dēvojka,
Ovog zdenca vile jogradile!
Ak su vile zdenca jogradile,
Něsu vile vodu jostvarile.
Klekne ona, da će vodu piti,
Kad napila, postala je vila.

Dva ljubovnika na razstanku.

Lěpi je varaš Varaždin,

Varaždin.

Po njem se šeču dragi dva (opet):

Jemu je ime Jakopek,

Joj pak je ime Marica.

Marici veli Jakopek:

Marica draga, lubezna!

Ja ti ve moram odhajati.

Kada ti dojdem prvi krat,

Te ti donesem prstan zlat.

Ja te nelubim s prstanom,

Negoj te lubim srčicom;

Kada ti dojdem drugi krat,

Te ti donesem vėnčik zlat.

Ja te nelubim z vėnčikom,

Negoj te lubim srčicom;

Kada ti dojdem trejti krat,

Te ti donesem pojas zlat,

Kaj se jopašeš devet krat.

Ja te nelubim s pojasom,
Negoj te lubim srčicom.

17.

**Nevjeran junak
i djevojačka kletva.**

Šetala se šetala,
Nanika divojka
Pod gorom visokom,
po polu širokom.
Šetala se šetala,
zlate lasi česala.
Čula je konjiča,
vidla je junaka:
Konjiča hrzati
junaka plakati.
Jona glavu zdigne,
oče da pobégne.
Nebeži, nebeži
Nanika divojka;

Neg mi canjke reži,
pak mi rane veži.
Či ti ja ozdravim,
ja te neostavim,
Či pak ti vumerjem,
konjiča jostavim.
Junak je ozdravil,
Naniku jostavil,
Na konjiča sedal,
Naniki povědal:
Nanika, Nanika
nesrečna divojka,
Nesrečna divojka
kaj junaku verješ,
Ar junačka vera,
vera i nevera:
Kam gud veter z vějum,
tam i junak z verum.
Nanika se zdigne,
malo z glavum migne,
Prične ga karati,
ovak preklinjati:

Nedaj ti bog dobra,
nit pri cěrkvi groba,
Na grobu zelenja,
pri bogu veselja!
Pokaj ti se glava
na tri sto komada,
Kak vu letu zemla,
da je deždja želna;
Suši ti se tělo
kak vu letu sěno,
V jutro pokošeno,
večer pospravleno!

18.

Crni kos.

Tancaj, tancaj črni kos!
Kak bi tancal, da sem bos?
Němam drete nit smole,
Da bi krpal cokole:

Nek ti tanca deklica,
Ka ti ima čizmice;
Kad si ove rezdere,
Druge ti si zebere.

19.

Sem tekel po poli . . .

Sem tekel po poli,
Sem našel po voli,
Sem našel deklicu,
Je žela pšenicu.
Sem prijel za popek,
Jo hitil na snopek:
Deklica zdaj, zdaj,
Dobro jutro bog daj!

20.

Maček na peči sedi . . .

Maček na peči sedi,
Pušku na pleči drži.

Kaj buš s puškum delal?

Jabuke bum tresel.

Kaj buš z jabukami?

Dekli budem daval.

Kaj buš z deklum delal?

Svinje budem pasel.

Kaj budeš svinjami?

Šalo budem jemal.

Kaj buš salom delal?

Tačke budem mazal.

Kaj budeš s tačkami?

Cigle budem vozil.

Kaj buš s ciglom delal?

Cěrkvu budem zidal.

Kaj buš s cěrkvom delal?

Boga budem molil.

Kak buš boga molil?

Djindji' jaši,

Konja jaši,

Na nebesi

Koji jesi.

21.

Sveti Peter kolendar . . .

Sveti Pêter kolendar

Koj je meni soli da' ;

Ja sol beci dam,

Beca meni mlêka da ;

Ja mlêko mujei dam,

Mujca meni miša da ;

Ja miša seti dam,

Seta meni pero da ;

Ja pero babi dam,

Baba meni robca da ;

Ja robca popu dam,

Pop meni knigu da ;

Ja knigu bogu dam,

Bog meni sreču da ;

Ja sreču mami dam,

Mama meni cicu da ;

Ja cicu tati dam,

Tata meni šibu da.

Ziba zibalka . . .

Ziba zibalka,

Popova pralka!

Nutri se zible sveti Ivan,

Vu lističu ves je zakopan.

Dě je to lističe?

Vodica poplavala.

Dě je ta vodica?

Voleki popili.

Dě su ti voleki?

Črveki rezrovali.

Dě su ti črveki?

Ftičice pozobale.

Dě su te ftičice?

Po grmiču rezletele.

Dě je to grmiče?

Sekirka posěkla.

Dě je ta sekirka?

Sekirka pri kovaču.

Kuj, kuj moj kovač,

Buš jel z d i g a n kolač.

23.

Čuk snubi djevojku.

Čuk sedi, čuk sedi
na borovom trčku.
Sam sedi, sam sedi,
sam djevojku snobi:
Ojdi sim, ojdi sim
djevčica mlada.
Nejdem ti, nejdem ti,
da me majka kara.
Če boš ti, če boš ti,
majku poslušala,
Kesno boš, kesno boš
svojim lubim spala.

24.

Stara majka i liena snaša.

Stara majka jogenj kuri,
Jošče mlada sneha spi:

Pospi, pospi ma snešica,
Jošče ti je zorje ně.
Stara majka vodu nosi,
Jošče mlada sneha spi:
Pospi, pospi. i t. d. i t. d.
Stara majka hižu změče,
Jošče mlada sneha spi:
Pospi, pospi. i t. d. i t. d.
Stara majka zajtrek kuha,
Jošče mlada sneha spi:
Pospi, pospi. i t. d. i t. d.
Stara majka kravu doji,
Jošče mlada sneha spi:
Pospi, pospi. i t. d. i t. d.
Sonce grěje po vogliči
Jošče sneha pod gunjiči.
Pospi, pospi ma snešica,
Jošče ti je zorje ně.

25.

U vinogradu.

Zvečer si pojdem vu vinske gore,
Tam si bum čekal do bèle zorje,
Dě bratec sestricom tak žeju trpi,
Kupičku natoči, pa žeju gasi:
Oj! srečna pivnička, kaj lagve drži,
Oj! srečni lagviček, ki vince drži,
Oj! srečna pipička, ka vince toči,
Oj! srečna kupička, ka vince drži!

26.

Tužan junak.

Daj ma mila znala,
Daj ma draga znala,
Kodek hodim ja? (opet).

Po tem ravnem poli,
Po gizdavim seli,
Todik hodim ja!

3.

Daj ma mila znala,
Daj ma draga znala,
Kakvu spovid mam?

Jezuš i Marija,
Jožef i Barbara,
To je spovid ma!

Daj ma mila znala,
Daj ma draga znala,
Kakov senek mam?

Puškicu na rami,
Sablicu na bedri,
To je senek moj!

Daj ma mila znala,
Daj ma draga znala,
Kakvu večer mam?

Kugle olovnate,
Črni prah puščeni,
To je večer ma!

Marijina sanja.

Marija zaspala
Pod lipom zelenom.

Ona je senjala
Prelěpe senje tri:

Da věnček je zrasel
Do svetloga neba.

Nebesa, nebesa
Kak lěpa ste vi!

A srědi nebesa
Tě zlati stol stoji;

Za stolom, za stolom
Sam dični Bog sedi,

A pred njim pa kleči
Aj Majka Marija.

A sinek, moj Jezúš
Kaj vezda delal boš?

A majka Marija
Ja soda delal bom.

A sinek moj Jezuš
Naj soda delati;

Naj si grěšno luctvo
Naj pokoru zvrši,

Se noseče ženske
Naj dečicu porode.

28.

Dva nesretna ljubovnika.

Šetali se, šetali
I dva mili dragi.
rep.

Šteli su se zeti,
Něsu jim se dali;
rep.

Něsu jim se dali
Joček nit mamica,
rep.

Joček nit mamica,
Bratec nit sestrica,
rep.

Merji, mili merji
Vu subotu večer,
rep.

Ja pak si vumerjem
Vu nedelu jutro.
rep.

Skupa su vumrli,
Skupa pokopani.
rep.

Na grobu je zrasel
Barbarik zeleni,
rep.

Barbarik se jovil,
Rožicu je povil.
rep.

Vište, glejte ludi
Preveliku ljubav!
rep.

29.

Koju da lovac oženi.

Sedi loga srědi loga,
Srědi loga zelenoga.

Poleg pala vuzka steza,
Po jě ide mladi jagar.

Štel je logu prestreliti.
Loga mu se drobno moli:

Naj ti mene mladi jagar,
Naj ti mene prestreliti.

Ja ti očem povedati,
Kak se jočeš oženiti:

Nejemli si stare vdove,
Stara vdova žalost tvoja;

Nejemli si mlade snehe,
Mlada sneha puna grěha;

Neg si zemi děvojčicu,
Děvojčicu Jelenčicu:

Děvojčica, Jelenčica
Vnogo ima, majno štima!

30.

Liepa jesam ruža.

Lěpa jesem ruža,
Dokler němam moža;

Lěpo jesem cvětje,
Dokler němam děte;

Al povenem roža,
Kada dobim moža;

I povenem cvětje,
Kada dobim děte!

31.

Zorja Marja prsten toči . . .

Zorja Marja prsten toči
Za gradom,
Za Legradom,
Za vinogradom.

Kak potoči se pògubi
Za gradom,
Za Legradom,
Za vinogradom.

Idi joček prsten iskat
Za gradom,
Za Legradom,
Za vinogradom.

Išel je ga joček iskat
Za gradom, i t. d.

Nega našel, ně donesel
Za gradom, i t. d.

Zorja Marja prsten toči
Za gradom, i t. d.

Idi majka prsten iskat
Za gradom, i t. d.

Něga našla, ně donesla
Za gradom, i t. d.

Zorja Marja prsten toči
Za gradom, i t. d.

Idi bratec prsten iskat
Za gradom, i t. d.

Išel bratec prsten iskat
Za gradom, i t. d.

Ně ga našel, ně donesel
Za gradom, i t. d.

Zorja Marja prsten toči
Za gradom, i t. d.

Idi sestra prsten iskat
Za gradom, i t. d.

Išla sestra prsten iskat
Za gradom, i t. d.

Ně ga našla, ně donasla
Za gradom, i t. d.

Zorja Marja prsten toči
Za gradom, i t. d.

Idi lubi prsten iskat
Za gradom, i t. d.

Išel ga je lubi iskat
Za gradom,
Za Legradom
Za vinogradom.

On ga našel i donesel,
Za gradom,
Za Legradom
Za vinogradom.

Bolši lubi nego otec, majka,
Bolši lubi nego bratec, sestra.

Pjesma trijuh ptica.

Višje moje, višje, (opet. svaki vers)-

Rano ste jodevele!

Svržice puščale,

Po širokom svētu.

Na je so sedale

Tri tice nebeske.

Prva zapopěvle

Jod svetoga duha:

Budi sam duh z nami,

Marija med nami;

Budi Jezuš pri nas,

Da pe duša jod nas.

Druga zapopěvle

Jod svetoga Trojstva:

Budi Trojstvo z nami,

Marija med nami,

Budi Jezuš pri nas,

Da pe duša jod nas.

Trejšta zapopěvle

Jod samoga boga:

Budi sam bog z nami,
Marija med nami,
Budi Jezuš pri nas,
Da pe duša jod nas.

33.

Djevojka kune nevjerna junaka.

Děvojčica mila po gore hodila,
Po gore hodila, moder cvetek brala,
Moder cvetek brala, z junakom se stala,
Z junakom se stala, v bege se puščala:
Nebegaj, nebegaj děvojčica mlada,
Zmači mi glavico, s to hladno vodico,
Če ti ja jozdravim, tebe nejostavim.
Junak je jozdravil, děvojku jostavil.
Ona ga je klela, dečas ga je štěla:
Tak je junak z verum, kak je veter z vějum,
Vetreček popuhne simoj-tamoj z vějum,
I junak jobrne simoj-tamoj z verum.
Sa hajdina pleva ta junačka vera,

Oj! nesrečni budi, koji tebe lubi!
Nedaj ti bog dobra, ni pri cirkvi groba,
Na grobu zelenja, pri bogu veselja!

34.

Golubica i njene tri kćerce.

Běla golobica
Tri čerke rodila.
Se tri je vudala
Na tri strani světa:
Prvu mi je dala,
Odkud sonce shaja;
Drugu mi je dala,
Dě sonce zahaja;
Trejtu mi je dala
Bělomu mesecu.
Ona se podala
Na to leto dana,
Pohoditi čerku
Odkud sonce shaja.

Pitam te ja čerka:

Kako ti je, kaj je?

Dobro ste me dali

Moja mila majka:

Saki bogi denek

Ja se vinu hmivlem,

Svoje bělo lice

Svilne robce brišem.

Ona se podala

Drugo leto dana,

Pohoditi čerku

Dě sonce zahaja.

Pitam te ja čerka:

Kako ti je, kaj je?

Dobro ste me dali

Moja mila majka:

Saki bogi denek

Vu mlěku se hmivlem,

Svoje bělo lice

V pačalate brišem.

Strejtu se je stala

Na tri leto dana.

Pitam te ja čerka:

Kako ti je, kaj je?

Dobro ste me dali

Moja mila majka:

Saki bogi denek

Vu sozaj se hmivlem,

Moje tužno lice

Vu tugaj si brišem.

Saki dan sem bita,

Nigdar kruha sita.

Nedaj vam bog zdravja,

Nit pri cěrkvi groba;

Na grobu zelenja,

Pri bogu veselja!


35.

Satira u Selniku.

I.

Pisani je turin v Lendavi,

Široka je cesta na Optuj,



Zdrapana so vrata v Ormužu,
Sami so čuturaši v Krapini,
Sami so škrinjari v Ivanjih,
Kratke so gače v Klenovnik,
Sami so lončari v Jerovci,
Široke so r . . . v Ladanju,
Torba je varaš Vinica,
Po nji mi teče Dunava,
Kaj je nemre konjič pregazit,
Ně da bi ju raca preplavat;
Zdrapane su r . . . v Babinci,
Sami so maslari v Maruševeci,
Sami so pijaneč v Bikovci,
Sami so bogěčki v Kikovom,
Sami so kartaši v Belevci,
Sami so tati v Čalenci,
Lěpe so snehe v Ladanji,
Sami so lačni v Novaki,
Sami so kehlači Svibovci,
Sami so ribaši Vidovci,
Cic devenic v Petrijanci,
V novi Věsi koščični kolač,
Vu pod Bele sam tropini kruh,

Vu Tožnovci sam jabučni prošnjak,
Sami so goglaši v Sračenci,
Sami telečari v Jurketinci!

36.

Satira u Selniku.

II.

Ja sem mlada kaj zelena trava,
Ja sem mlada divojka, kaj zelena trava.
Rada bi si rožmarin saditi,
Rada bi si divojka, rožmarin saditi.
Jali neznam, komu bi ga dala,
Jali neznam divojka, komu bi ga dala?
Bikovčancu nigdar nijenomu,
Bikovčancu divojka nigdar nijenomu.
Bikovčanci sami so pijanci,
Bikovčanci divojka sami so pijanci:
Kaj imaju se za vino daju,
Kaj imaju divojka, se za vino daju.
Ja sem mlada i t. d.

Selničaru nigdar nijenomu.
Selničaru divojka nigdar nijenomu:
Selničari sami so robčari,
Selničari divojka sami so robčari
Kaj imaju, se za robce daju,
Kaj imaju divojka, se za robce daju.
Ja sem mlada i t. d.
Gredovčani sami so lukari
Kaj imaju se za luke daju.
Ja sem mlada i t. d.
Maruševčanci sami so maslari,
Kaj imaju, se za maslo daju.

itd. itd. kao pod br. 37.

37.

Ptica liepo pjeva . . .

Ptica lěpo peva,
Na věji sedi:
Kaj nebi pevala,
Da mlade vali:

Ferček lépo fučka,
Po poli si gre:
Kaj si nebi fučkal,
Da k Lenkice gre!

38.

Pčelica.

Čmelica léče gori pod nebo,
Ona si léče v očkove dvore:
Imaš ti joček cvětek na dvoru?
Imam ga, imam, kaj da je odevel!

Čmelica léče gori pod nebo,
Ona si léče v majkine dvore:
Imaš ti majka cvětek na dvoru?
Imam ga, imam, kaj da je odevel!

Čmelica léče gori pod nebo,
Ona si léče v bracove dvore:
Imaš ti bratec cvětek na dvoru?
Imam ga, imam, kaj da je odevel!

Čmelica lēče gori pod nebo,
Ona si lēče v sestrine dvore:
Imaš ti sestra cvētek na dvoru?
Imam ga, imam, kaj da je odevel!

Čmelica lēče gori pod nebo,
Ona si lēče v lubove dvore:
Imaš ti lubi cvētek na dvoru?
Imam ti, imam, i vu njem sedim.

Ojdi sim luba, ojdi sim draga,
Sedi si v njega kraj mene draga,
Kraj mene draga, pa me tu lubi,
Pa me tu lubi na vēke vēkov!

Bolši je lubi neg otec, majka,
Bolši je lubi neg bratec, sestra!

27.

Komu djeva ruže daje.

Ja sem mlada, kak je rosna trava,
Ja sem mlada deklica, kak je rosna trava.

Tergam rože, němam komu dati,
Tergam rože deklica, němam komu dati.
Ocu dala, ocu nedohaja,

Ja sem mlada, kak je rosna trava,
Ja sem mlada deklica, kak je rosna trava.
Tergam rože, němam komu dati,
Tergam rože deklica, němam komu dati.
Majki dala, majki nedohaja.
Majki dala deklica, majki nedohaja.

Ja sem mlada, kak je rosna trava,
Ja sem mlada deklica, kak je rosna trava.
Tergam rože, němam komu dati,
Bracu dala, bracu nedohaja,
Bracu dala deklica, bracu nedohaja.

Ja sem mlada, kak je rosna trava,
Ja sem mlada deklica, kak je rosna trava.
Tergam rože, němam komu dati,
Tergam rože deklica, němam komu dati.
Sestri dala, sestri nedohaja,
Sestri dala deklica, sestri nedohaja.

Ja sem mlada, kak je rosna trava,
Ja sem mlada deklica, kak je rosna trava.
Tergam rože, imam komu dati,
Tergam rože deklica, imam komu dati.
Lubu dala, lubomu dohaja,
Lubu dala deklica, lubomu dohaja.

Ferku dala, Ferkecu dohaja,
Ferku dala deklica, Ferkecu dohaja.

40.

Junak na galiji.

Vozila se galija po morju.
Vozila se galija po morju je,
Vozila se galija po morju je!
Vu galije okovan djelija.
Od žalosti tužno pesmu speva:
Okovan sem, lubiti nemorem,
Oj ženit se, ženit se nemorem!
Gledala ga s pendjera djivojka,
Što me glediš s pendjera djivojka?

Ja te gledim, da te nešto pitam :
S kēm ti svoje sankolene raniš,
S kēm je raniš, s kēm je ti napajaš?
Biser mužgju, sankolene ranim;
Soze ronim, sankolene pajam ;
Kose režu, sankolene vežu

NB. Sankolene izkvareno mjesto sokolove.

— Svaki stih pjeva se tri po puta kao što prvi.

41.

Dvie ljube.

Spale, spale lube dve.
Prva mi se prespala,
Bila jako žalostna.
Luba kaj si žalostna?
Kak bi nebla žalostna,
Gjungjek sem resipala.
Niš nebudi žalostna,
Bomo ga skup zebrale,
Na žnoricu nizale,

Ž jim si nadra kinčale,
Pak junake lubile.

42.

Komu grozdovi?

Bog mi je stvoril zemlicu, zemlicu,
Bog mi je stvoril zemlicu.
Zemlica rojdi tersa dva, tersa dva,
Zemlica rojdi tersa dva.
Tersek mi rojdi rozge dvě, rozge dvě,
Tersek mi rojdi rozge dvě.
Rozga mi rojdi grozda dva, grozda dva,
Rozga mi rojdi grozda dva.
Pervi mi bode Lenkici, Lenkici,
Pervi mi bode Lenkiei.
Drugi mi bode Ferkecu, Ferkecu,
Drugi mi bode Ferkecu.
Bog nam poživi obedva, obedva!
Bog nam poživi obedva!

43.

Trudna djevojka.

Drēm, drēm, drēmala,
Draga moja mamica.
Ja bi rada spavala
 Spi, spi čerka ma
 Na svojega oca kolena.
Nečem, nečem mamica,
Ni mi sercu povolne!

Drēm, drēm, drēmala,
Draga moja mamica.
Ja bi rada spavala
 Spi, spi čerka ma
 Na matere svoje kolena.
Nečem, nečem mamica,
Ni mi sercu povolne!

Drēm, drēm, drēmala,
Draga moja mamica
Ja bi rada spavala.
 Spi, spi čerka ma
 Na svojega braca kolena.

Nečem, nečem mamica,
Ni mi sercu povolne!

Drēm, drēm, drēmala,
Draga moja mamica
Ja bi rada spavala.

Spi, spi čerka ma
Na sestrice svoje kolena.

Nečem, nečem mamica,
Ni mi sercu povolne!

Drēm, drēm, drēmala,
Draga moja mamica
Ja bi rada spavala.

Spi, spi čerka ma
Na svojega luba kolena.

Očem, očem mamica,
Je mi serce povolne!

26.

Griešna duša u paklu.

Zvězde mi svētiju
Do polnoči, do zorje,

Do belega deneka,
Do žarkega sonjčeca,
Do smilnega Jezušā;
Marija se šetala,
Šetajuč do pekleca,
Se dušice zvodila,
Samo jeňa jostala,
Ona jako kričala:
Smiluj mi se Marija
Majka boža taberska!
Kak bi ti se smilila,
Da si velka grėšnica:
Oca mater vtopila,
Sestru, braca hmorila!

45.

Satira na Višnicu.

Nam černa kokoška pa běla fali,
Se Višničke fare ga deklice ni;
A jena bi bila, pa ona leži,
Pleničke si zbira, pa sinka rodi!

46.

Tajna ljubav.

Lěpa mi je vura vurnica,
Lěpa mi je gora zelena,
Pod njom teče voda ledena.
Rad bi se je junak napiti,
Pak nemore leda prebiti.
Pod ledom je trava zelena,
Vu travi je roža rumena.
Tergala sem rožu jod zemle,
Davala sem dragom jod žele:
Na ti dragi rožu jod mene,
To ti naše pervo lublenje,
Za koje nam něje nigdo znal,
Samo jedna drobna tičica,
Koja nam je glase nosila
Od majkice tvoje do moje!

47.

Junak snubi djevojku.

Idu, idu nam snoboki
S Petrove ravnice.

Napred jaše mladi junak
Na vranom konjiču:
Dobro jutro divojčica,
Jeli moja budeš?
Bog daj, bog daj mladi junak,
S toga ne bu nikaj.
Kamo, kamo divojčica
Z mojim vrancem konjem?
Simo, simo mladi junak
Moje nove štale.
Kamo, kamo divojčica
Z mojim sankoličom?
Simo, simo mladi junak
Moje běle hiže.
Kamo, kamo divojčica
Skitom rožmarina?
Simo, simo mladi junak
Moje běle nadre.
Konjič bode hrzgetaval,
Sankol bo popěval,
Ti boš dragi z menom spaval,
Kita bo zelena!

48.

Poziv na večeru.

Draga dragom piše, na jabuku piše:
Dragi mili hodi k meni na večerju,
Očum ti ga dati tople i pečene;
Ako nebu ono se le i zadosti,
Očum dati klati para golubice.
Meni bode golub, tebi golubica;
Ako nebu ono se le i zadosti
Očum dati klati devetaka junca.
Dragi mili hodi k meni na večerju!

49.

Kosekova ženitba.

Černi kosek sad se ženi.
Lehko ti se on oženi,
Lěpu černu suknju ma,
Lehko skoči sě no ta.

Hajsisi, hopsasa,
Kak se njemu lěpo vda!

Žona mu je zaročnica.
Lehko mu je zaročnica,
Lěpi, žoti menten ma,
Lehko skoči sě no ta.

Hajsisi, hopsasa,
Kak se to njoj lěpo vda!

Senička mu podsnečica.
Lehko ona podsnešica,
Lěpe, drobne noge ma,
Lehko skoči sě no ta.

Hajsisi, hopsasa,
Kak se to njoj lěpo vda!

Sraka mu je kuharica.
Lehko ona kuharica,
Lěpi, běli furtun ma,
Lehko skoči sě no ta.

Hajsisi, hopsasa,
Kak se to njoj lěpo vda!

Zajec mu je za pozavca.
Lehko on je za pozavca,
Lěpe duge noge ma,
Lehko skoči sě no ta.

Hajsisi, hopsasa,
Kak se njemu lépo vda!

Vok ti mu je za mesara.
Lehko on je za mesara,
Lépe, duge gramble ma,
Lehko kožu obtergla.

Hajsisi, hopsasa,
Kak se njemu lépo vda!

50.

Ja si pojdem . . .

Ja si pojdem vu tu prvu po drugu,
Ja si pojdem vu tu trejtu največu.
Vu toj trejti je visoki javorek,
Pod javorom postelica nakrita,
Na postelki moja draga zaspala.
Něsem mogel od radosti zbujditi.
Da popunul laden veter od morja,
Taki zbudil moju dragu lublenu.
Lubimo se draga moja lublena
Od ovoga časa na věk do věka.

51.

Djevojka splela dva vianca.

Divojčica mlada moder cvetek brala.
Kulike nabrala, se je majke dala:
Majka ma lublena navinte mi vėnčec.
Čerka ma lublena nemrem ga naviti,
Nemrem ga naviti proz te zlate niti.
Naj ti ga navine Jožef i Marija.

Divojčica mlada navila pervoga,
Hitila ga taki na te žitne pole,
Gdě mi raste kruhek, Jezuševo tělo,
S kojega se služe te svete mešice:
Koji bodu jeli, zveličeni bodu.

Divojčica mlada navila drugoga,
Hitila ga taki na te vinske gore,
Gdě mi raste vince, Jezuševa kervca,
S kojega se služe te svete mešice:
Koji bodu pili, zveličeni bodu.

52.

Marija utrgla tri ružice.

Mal mi je vertek zagrajen,
Pun mi je rožic nasajen;
Po njem se šeče Marija,
Za njom se rože gibleju.
Marija tergla rožicu,
Hitila v bistru vodiceu:
Nekal mi roža vodice,
V nje se bu kopal sinek moj;
Tergla je drugu rožicu,
Děla je sebe za nadre;
Tergla je trejtu rožicu,
Děla je v roke Jezušu.

53.

Junak i tri djevojke.

Junak rani tri djevojke:
Jednu rani v ravnem poli,

Drugu rani vinski gori,
Trejtu rani v bëlem gradu.

Koju rani v ravnem poli,
Ona mu je poračala:
Dojdi k meni junak gledet,
Pole ti je jobrodilo:
Saki složek po dervenki,
Saki snopek po mlinčici;

Koju rani vinski gori,
Ona mu je poračala:
Dojdi junak k meni gledet,
Gora ti je jobrodila:
Saki tersek po vedrici,
Saki grozdek po holbici;

Koju rani v bëlem gradu,
Ona mu je poračala:
Dojdi junak k meni gledet,
Sinke sem ti porodila:
Na glavi jim zlati lasi,
To su moji tožni glasi,
To su moji sěri lasi!

54.

Komu sam dielio ružice.

Po gori sem hodil,
Sem rožice bral.
En pušlek sem nabral,
Sem Marije dal.
Oj. Oj, sem Marije dal!

Po gori sem hodil,
Sem rožice bral.
En pušlek sem nabral,
Sem Jezušu dal.
Oj, Oj, sem Jezušu dal!

Po gori sem hodil,
Sem rožice bral.
En pušlek sem nabral,
Sem materi dal.
Oj, Oj, sem materi dal!

Po gori sem hodil,
Sem rožice bral.
En pušlek sem nabral,

Sem ocu si dal.
Oj, Oj, sem ocu si dal!

Po gori sem hodil,
Sem rožice bral.
En pušlek sem nabral,
Sem sestrice dal.
Oj, Oj, sem sestrice dal!

Po gori sem hodil,
Sem rožice bral.
En pušlek sem nabral,
Sem bracu si dal.
Oj, Oj, sem bracu si dal!

Po gori sem hodil,
Sem rožice bral.
Tri pušleke nabral,
Sem lubice dal.
Oj, Oj, sem lubice dal!
Oj, Oj, sem lubice dal!

55.

Svaki svojoj piti kupi . . .

Saki svoje piti kupi,
Meni moji neče.
Vubila te žalost moja,
Zašto jesem tvoja?

Saki svoje peču kupi,
Meni moji neče.
Vubila te žalost moja,
Zašto jesem tvoja?

Saki svoje fortun kupi,
Meni moji neče.
Vubila te žalost moja,
Zašto jesem tvoja?

Saki svoje plečək kupi,
Meni moji neče.
Vubila te žalost moja,
Zašto jesem tvoja?

Saki svoje klaruš kupi,
Meni moji neče.

Vubila te žalost moja,
Zašto jesem tvoja?

Saki svoje janjku kupi,
Meni moji neče.
Vubila te žalost moja,
Zašto jesem tvoja?

Saki svoje čizme kupi,
Meni moji neče.
Vubila te žalost moja,
Zašto jesem tvoja?

56.

Svatovi.

Dragi mama, mili mama.
Idu svati dimo.
Dragi mama, mili mala
Kaj pa budu jeli?
Draškovič bo režance,
Jankovič bo kerpice,
Cundrek pa ništrance.

Dragi mama, mili mama
Dě pa budu spali?
Draškovič na postelki,
Jankovič na škrinjici,
Cundrek pa na gnoju.

Dragi mama, mili mama
Skim pa budu spali?
Draškovič z gazdaricum,
Jankovič s kuharicum,
Cundrek pa s kujsicum.

57.

Tugovanje.

Glavica me jake boli,
Serčece mi gorke toži:
Oček so mi zdavna hmerli,
Mamicu so pokopali,
Braca so mi v tabor zeli,
A sestricu замуž dali,
A nevestu so fundali,

A grunteca so prodali,
Mene pak so pretirali! Oj, joj!

58.

Majka i sin.

Sinek Ferjanek kaj tebe fali?
Majka ma mila glava me beli.
Sinek Ferjanek kaj ti još fali?
Majka ma mila putek me beli.
Sinek Ferjanek kaj ti još fali?
Majka ma mila serce mi fali.
Sinek Ferjanek gdo ti ga je vzel?
Majka ma mila vi ste ga vzeli.
Sinek Ferjanek gdo drugi je bil?
Majka ma mila nevestica ma.
•Sinek Ferjanek gdo trejti je bil?
Majka ma mila sestrice moja.
Sinek Ferjanek kaj bog prvoj dal?
Majka ma mila grunjsku strelicu.
Sinek Ferjanek kaj bog drugoj dal?
Majka ma mila prežujku smercu.

Sinek Ferjanek kaj bog trejtoj dal?
Majka ma mila nesrečnu smercu.

Sinek Ferjanek za kogaj bo to?
Majka ma mila to za vas bo tri.

59.

Udovac i diete mu.

Lanjsko leto sem se ženil
Mladu ženku sem si vzel,
Letos pa mi je vumerla
Sam bog si ju k sebi vzel;
Niš mi drugo ně pustila,
Jedno malo dētece,
Koje kruha jesti nemre,
Nedojit ga něma gdo.
Ja pa grem zdaj na ti brutiv,
Na ti grobek zeleni:
Stani, stani luba moja,
Da mi dēte nadojiš.
Nemrem, nemrem ti gor s̑tati,
Da me zemla dol tišči.

Predi nebom gori stala
Neg na sodnji strašni dan.
Te si bodem gori stala,
I na sodbu rajžala.
Idi, idi proti domu,
Zaj ti dēte sladko spi,
Marija ga nadojila
Jezuš ga zazibal sam.
Mož mi hitro k domu teče,
Dēte najde sladko speč:
Marija ga nadojila,
Jezuš ga zazibal sam.

60.

Gorice si režem . . .

Gorice si režem,
Pot me topi;
Vince si pijem,
Serce hladim.
Kume moj dragi
Zdaj se napi,

Doge nas nebu,
Zdaj se ga vži!

Gorice si kopam,
Pot me topi;
Vince si pijem i t. d.

Gorice si grobam,
Pot me topi;
Vince si pijem i t. d.

Gorice si vežem,
Pot me topi;
Vince si pijem i t. d.

Gorice si skubam,
Pot me topi;
Vince si pijem i t. d.

Gorice si berem,
Pot me topi;
Vince si pijem i t. d.

Grozdiče nosim,
Pot me topi;
Vince si pijem i t. d.

Grozdiče prešam,
Pot me topi;
Vince si pijem,
Serce hladim.
Kume moj dragi
Zdaj se napi,
Doge nas nebu,
Zdaj se ga vži!

61.

Golubovi sini.

Tri si jesu brateci,
Si tri jesu flojsari
Golubovi sini.

Tam si flojs nalagaju,
Žmehko cente vagaju
Golubovi sini.

Išli so po vodi ž jim
Proti mestu Varažlin
Golubovi sini.

Bog jim je tu sreču dal,
Flojs jim je pod vodu šel
Golubovim sinom.

Hitro nekaj zrajtaju,
Svetu mešu plačaju
Golubovi sini.

Bog jim je tu sreču dal,
Flojs jim je na vodu šel
Golubovim sinom.

Išli so po vodi ž jim
Proti mestu Varažlin
Golubovi sini.

Srečno fara Zavračka,
Maš patrona takšnega,
Svetoga Miklaža!

62.

Sveti Peter cviren prede . . .

Sveti Peter cviren prede.
Kaj pa budeš cviren nual?

S evirnom budem žakel kerpāl.
Kaj pak budeš žakel nūcal?
V žakel budem želod z birāl.
Kaj pak budeš želod nūcal?
Želod bude svinja jēla.
Kaj pak budeš svinjom delāl?
Svinja bude salo dala.
Kaj pak budeš salo nūcal?
Salom budem kola mazal.
Kaj pak budeš kola nūcal?
S koli budem kamen voǰzil.
Kaj pak budeš kamen nūcal?
S kamenom bum cērkvu zidal.
Kaj pak budeš cērkvu nūcal?
V cērkvu budem boga molil.

63.

Pijte bračo vince.

Pite brača vince,
Voda naj stoji!
Ar je voda ladna,

Sercu zdrava ni.
Meni je vumrěti
H moje mladosti,
Ženu jostaviti
V tuge, žalosti.
Mene pokopajte
V Jezušovo klět:
Noge jobernete
Dole gantarom,
Glavu jobernete
K vinskoj pipici. —

64.

Dozivanje dragoga.

Dojdi, dojdi dragi, lubi
K meni nočku spat.
Ja bi došel draga, luba,
Hudu kusu maš.
Vreži kruha, hiti kuse,
Mučala ti bo.

Dojdi, dojdi mili, dragi
K meni nočku spat.
Ja bi došel draga, luba,
Hudu sestru maš.
Kupi sestri lepu žnору,
Mučala ti bo.

Dojdi, dojdi mili, dragi
K meni nočku spat
Ja bi došel draga, luba,
Hudog braca maš.
Kupi bracu lepi tēhlin,
Mučal tebi bo.

Dojdi, dojdi mili, dragi
K meni nočku spat.
Ja bi došel draga, luba,
Hudu majku maš.
Kupi majki holbu vina,
Mučala ti bo.

Dojdi, dojdi mili, dragi
K meni nočku spat.

Ja bi došel mila, draga,
Hudog oca maš.
Kupi ocu funt duhana,
Mučal tebi bo.

Dojdi, dojdi mili, dragi
K meni nočku spat.
Dojdem, dojdem mila, draga
K tebi nočku spat:
Vrežem kruha, hitim kuse,
Mučala mi bo;
Kupim sestri lépu žnoru,
Mučala mi bo;
Kupim bracu lépi tēhlin,
Mučal meni bo;
Kupim majki holbu vina,
Mučala mi bo;
Kupim ocu holbu vina,
Mučal meni bo;
Dojdem, dojdem mila, draga,
K tebi nočku spat.

65.

Marija sinku načinila košulju.

Zorja, zorijsa, běli je dĕn,
Da se Marija stajala,
Sinku robaču skrojila:
Ně je skrojila z nožekom,
Neg je skrojila z mesecom.

Zorja, zorijsa, běl je dĕn,
Da se Marija stajala,
Sinku robaču skrojila:
Ně je šivala z iglicom,
Neg je šivala zvězdicom.

Zorja. zorijsa, běl je dĕn,
Da se Marija stajala,
Sineku prala robaču:
Něje je prala vodice,
Neg je ju prala v sozicaj.

Zorja, zorijsa, běl je dĕn,
Da se Marija stajala,
Sinku robaču valala:

6*

Ně je valala na světu
Neg je valala vu nebu.

66.

Svekrva budi lienu snašu.

Kokotiček se je zbudil,
Kokotiček zorju kriči.

Stara sveker ognja kuri,
Išče mlada sneha spi.

Pospi, zaspi
snaša naša,
još je zorja ně!
rep.

Zorja moja,
Sestra moja,
još je sila ně!
rep.

Stara sveker krave doji,
Išče mlada sneha spi.

Pospi, zaspi i t. d.
rep.

Stara sveker dvor poměče,
Išče mlada sneha spi.
Pospi, zaspi i t. d.
rep.

Stara sveker dvor počisti,
Išče mlada sneha spi.
Pospi, zaspi i t. d.
rep.

Stara sveker svinje hrani,
Išče mlada sneha spi.
Pospi, zaspi
snaša naša
Još je zorja ně!

Zorja moja,
sestra moja,
još je sila ně!
rep.

67.

Ivanjska.

Dober jim večer gospodari,
Dober jim večer gospodinje.

Daj Marija, daj,
Dobre lete daj,
Daj vam ga bog!

Bome gor budeli rane dekliče,
Rane dekliče, rane deklina.

Daj Marija, daj,
Dobre lete daj
Daj vam ga bog!

Bome v roke dale žote pohare,
Žote pohare, pisane mijolne.

Daj, Marija daj,
Dobre lete daj,
Daj vam ga bog!

Bome je poslale po tu ladnu vodu,
Po tu ladnu vodu vo tu črnu goru.

Daj Marija, daj,
Dobre lete daj,
Daj vam ga bog!

Bodo nam prinesle ove ladne vode,
Ove ladne vode z ote černe gore.

Daj Marija, daj,
Dobre lete daj,
Daj jim ga bog!

Bome si hmivale ove bčle roke,
Ove bčle roke i rumena lica.

Daj Marija, daj,
Dobre lete daj,
Daj jim ga bog!

Bome gor budile našu gespo Mergětu,
Našu gespo Mergětu, našu klučaricu.

Daj Marija, daj,
Dobre lete daj,
Daj jim ga bog!

Bome vun zbirale se te drobne kluče,
Pisanih jormarov, i jod bělih ladlov.

Daj Marija, daj,
Dobre lete daj,
Daj jim ga bog!

Bome vun jemale se běle běluhe,
Se běle běluhe, se te mešne ruhe.

Daj Marija, daj,
Dobre lete daj,
Daj jim ga bog!

Bome si brisale ove běle roke,
Ove běle roke i rumena lica.

Daj Marija, daj,
Dobre lete daj,
Daj jim ga bog!

Stoji nam stoji pole široko,
Pole široko, raven visoko.

Daj Marija, daj,
Dobre lete daj,
Daj jim ga bog!

Na nem je ravnu lipa zelena,
Lipa zelena, miza s k o m e n a.

Daj Marija, daj,
Dobre lete daj,
Daj jim ga bog!

Miza pokrita z bělom běluhom,
Z bělom běluhom, z otom měšnom ruhom.

Daj Marija, daj,
Dobre lete daj,
Daj jim ga bog!

Kolo mi stoji dvanajstero stolcov,
Kolo mi sedi dvanajstero jogrov.

Daj Marija, daj,
Dobre lete daj,
Daj jim ga bog!

Srědi mi sedi ženik z nevestom,
Ženik z nevestom, z nebeskom deklom.

Daj Marija, daj,
Dobre lete daj,
Daj jim ga bog!

Gor nam se rihta sirna pogača,
Sirna pogača, mijolna vina.

Daj Marija, daj,
Dobre lete daj,
Daj jim ga bog!

Sirna pogača, mijolna vina,
Mijolna vina, se po dva sedima.

Daj Marija, daj,
Dobre lete daj,
Daj jim ga bog!

Če naš nedu daruvala, bome vërta vkrale,
Bome jih pelale po tem černem logu.

Daj Marija, daj,
Dobre lete daj,
Daj jim ga bog!

Bome kupovale su tu dragu zmagu:
Zlopušeca klobučec, s koprivice pušlec.

Daj Marija, daj,
Dobre lete daj,
Daj jim ga bog!

Zlopušeca klobučec, s koprivice pušlec.
Skopinice pasec i sreberni plašec.

Daj Marija, daj,
Dobre lete daj,
Daj jim ga bog!

Pošto je gazdarica „Kresovaljam“
nešto udielila, to one ovako završe:
Bog vas prekriži, vas na vašem stanu,
Bog nas prekriži, nas na našem potu.
Lejko li noč, lejko li noč,
Vužgi nam Marija nebesku luč!



Opazke.

Ponajprije spomenuti mi je, gdje sam koju pjesmu zabilježio, t. j. gdje se ona rodila ili koren zahvatila: Pjesme od 1—22 zabilježio sam u Varaždinu još godine 1869. i 1870. Pjesme od 23—27 u selu Jurketincih blizu Varaždina g. 1869. Zatim pj. 28—38 u Selniku blizu Vinice, a u županiji Varaždinskoj god. 1869. Pjesme pako 39—67 u Cvetlinu blizu glasovita Trakošćana u našem Zagorju god. 1869.

Iztaknuti valja mi i to, da sam ja te pjesme sabrao upravo sam, te sve onako pobilježio, kako se što u dotičnih miestih pjeva ili izgovara. Zato neka me s toga nitko u ovom ili onom nebiesi. ako li mu morda štogodj nebi bilo po njegovu ćefu! Ja bo znadem i osvjedočen sam, da je i pravo i opravdano, ako se narodno blago šilje u bieli sviet onakovo, kakvo zbilja u narodu jest. Tko ga pako sam izpravlja, ter onako na salonsku morda ugladjeno svietu predaje, taj ti ga malo učenjakom koristio, a ponajmanje filologom — u nas specijalno slavistam!

Sada pako proći mi je na pojedinkosti:

Pjesma 21. Beca ime krave;

„ „ Seta = pura;

„ „ Cica = sisa (dojka u štok. nar. pj.)

Pjesma 28. Barbarik vrst biline?

- " 30. Ruža tisk. pogreška. Valja da bude: roža.
" 31. Točiti ili potočiti znači baciti koju stvar tako, da se po zemlji što no se veli kotura.
" 40. Ova je pjesma sjegurno rodом iz Krajine. kamo naši Zagorci rado idu mlatit, da prislуже nešto mertuka, a to jim je onda obćino za kruh preko ćitave zime. Najvažnije u toj pjesmi jest to, što tuj dolazi onaj stari presens na u, kao: mužgju, režu, vežu. Taj ti jošće zaostao živ gdjegdje u našem Zagorju.
" 41. Gjungjek = niz bisera.
" 47. Sankol = sokol. Za ćudo kako se ta rieć izvrnula!
" 51. Proz = kroz. Otaj proz riedko dolazi u našem narodu.
" 58. Putek = trbuh.
" 59. Brutiv = groblje.
" 62. Cviren = konac.
" 64. Těhlin = rubac.
" 67. Pohar = pehar, vrć;
Mijolna = majolka (vrćić);
Miza skomena = stol od kamena;
Jogri = Jünger t. j. razumieva se 12 apoštola;
Věrt = Wirth t. j. gospodar;
Kresovalje t. j. one djevojke, koje otu pjesmu pjevaju od kuće do kuće.



KAZALO.

	Strana
Narodnoj pjesmi. Motto	3
Pripomenak	4
1. Golub guče po zelenom logu	5
2. Kos i lovci	7
3. Ljuba velika griješnica	7
4. Volim s dragom neg s nedragom	8
5. Kletva	9
6. Gizdava djevojka i junak	9
7. Djevojka u bašći uzdiše za svojim ljubovnikom	11
8. Bolji dragi neg otac i majka, bolja luba neg bratac i sestra	12
9. Bolja ljuba neg otac i majka, bolja ljuba neg bratac i sestra	14
10. Nevjerna supruga	15
11. Bolji dragi nego svi ostali	17
12. Djevojku boli glava za mladim junakom	18
13. Suprug i supruga	19

14. Trebljička „lahku noć“	21
15. Žedna djevojka	22
16. Dva ljubovnika na razstanku	23
17. Nevjieran junak i djevojačka kletva	24
18. Crni kos	26
19. Sem tekeli po poli	27
20. Maček na peći sedi	27
21. Sveti Peter kolendar	29
22. Ziba zibalka	30
23. Čuk snubi djevojku	31
24. Stara majka i mlada snaša	31
25. U vinogradu ,	33
26. Tužan junak	33
27. Marijina sanja	35
28. Dva nesretna ljubovnika	36
29. Koji da lovac oženi	38
30. Liepa jesam ruža	39
31. Zorja Marja prsten toči	40
32. Pjesma trijuh ptica	43
33. Djevojka kune nevjerna junaka	44
34. Golubica i njene tri kćerice	45
35. Satira u Selniku I.	47
36. „ „ II.	49
37. Ptica liepo pjeva	50
38. Pčelica	51
39. Komu djeva ruže daje	52
40. Junak na gali	54
41. Dvie ljube	55

42. Komu grozdovi	56
43. Trudna djevojka	57
44. Griešna duša u paklu	58
45. Satira na Višnicu	59
46. Tajna ljubav	60
47. Junak snubi djevojku	60
48. Poziv na večeru	62
49. Kosekova ženitba	62
50. Ja si pojdem	64
51. Djevojka splela dva vience	65
52. Marija utr gla tri ružice	66
53. Junak i tri djevojke	66
54. Komu sam dielio ružice	68
55. Svaki svojoj piti kupi	70
56. Svatovi	71
57. Tugovanje	72
58. Majka i sin	73
59. Udovac i diete mu	74
60. Gorice si režem	75
61. Golubovi sini	77
62. Sveti Peter cviren prede	78
63. Pijte braćo vince	79
64. Dozivanje dragoga	80
65. Marija sinku načinila košulju	83
66. Svekruva budi lienu snašu	84
67. Ivanjska	86



27235.48

Hrvatske narodne pjesme.

Widener Library

003603800



3 2044 089 100 705